

পোয়া-মাইয়া অলর লাই বাইবেল  
যে প্রকাশ গইজে

ঈশ্বর যেতে বেক কচ্ছি তৈয়ার  
গইজে



যে লেইক্কে: Edward Hughes

যে ছবি আইক্কে: Byron Unger; Lazarus  
Alastair Paterson

যে সম্পাদন গইজে: Bob Davies; Tammy S.

যে অনুবাদ গইজে: Adlina

যে পরিচালনা গইজে: Bible for Children  
[www.M1914.org](http://www.M1914.org)

©2023 Bible for Children, Inc.

বিশেষ সাবধানর কতা: এই বই ইবা বেচিবরলাই নয়, কিন্তু ইবা ছাপাইবার,  
ইলেকট্রনিকস, রেকর্ড গরিবার আর ছবছ লেখিবর অনুমতি দন গেইয়ে।

কন আরারে তৈয়ার গইজে? মাইনষর শুরু কেনগরি ঈশ্বরর কতা বাইবেলে  
ইয়ান আরারে কয়। বহুত বছর আগদ্বী ঈশ্বর পইল্লা মানুষ তৈয়ার গরি ইবার নাম  
দিইলদে আদম। ঈশ্বর আদমরে এই দুনিয়ার ধুইল দিয়েনে তৈয়ার গইজে।

যেতে ঈশ্বর আদমর ভিতরে পরান বাতাস ঢুকাই দিয়ে,  
হেতে আদম পরান পাইয়ে। এদন নামে এককান

সুন্দর বাগানর ভিতরে  
ইতারে রাখা হইয়ে।



ঈশ্বর আদমেরে তৈয়ার গরিবার আগদ্বী সুন্দর সুন্দর জিনিষ দিয়েনে ঈশ্বর এই দুনিয়ারে অসম্ভব সুন্দর গরি সাজাই তুইল্লে। আন্তে আন্তে গরি ঈশ্বর বেয়াক পাহাড়ী জায়গা, সমান জায়গা, গন্ধওয়ালা ফুল, আর লাশ্বা লাশ্বা গাছ, ফররনান পাখনাওয়ালা পাখী আর বোঁ বোঁ গরদে মৌমাছি, পানির মইদ্যে গড়াগড়ি গরে দে বড় তিমি মাছ আর পিছলা রকম শামুক তৈয়ার গইজে।



আসল কতা হইয়েদে ঈশ্বর পৃথিবীর মইদ্যে যা কিছু আছে বেক কিছু তৈয়ার গইজে-একবারে বেক কিছু।

3

দুনিয়ার শুরুত, ঈশ্বর কো কিছু তৈয়ার গরিবার আগে ঈশ্বর বাদে কোন কিছু নো আছিল। নোআছিল মানুষ নো আছিল কোন জাগা, আর জিনিষ পত্তরা। একবারে কোন কিছু নয়া। ফরও নয় আঁধারও নয়, নয় উদ্বী নয় নীচন্দী নয়। নয় গত কাইল, নয় আজোয়া একমাত্র ঈশ্বর আছিল। যার শুরু নো আছিল এতে ঈশ্বরই কাজ গইজে। দুনিয়ার শুরুত ঈশ্বর আকাশ আর দুনিয়া তৈয়ার গইজে।




4

আর এই দুনিয়ার কোনো ধরন নো আছিল। একেবারে খালি আছিল। আর উঅরে বেককিছু আঁধারত চাহা আছিল। হেত্তে ঈশ্বর কইয়েদে “ফর হইবাল্লাই”




5

আর এত্তে ফল হইয়ে। ঈশ্বর ফরর নাম দিয়েদে দিন আর আঁধারর নাম দিয়েদে রাইতা। এনগরি সইক্যা গেইয়ে, বেয়নও গেইয়ে। ইবা আছিল দে পইলা দিন।



6

দ্বিতীয় দিনত ঈশ্বর আকাশর নীচেদি নদী, সাগর আর দইজ্জার পারর পানি একান্দি জমা গইজে। তৃতীয় দিনত ঈশ্বর কইয়েদে হুয়ানা জাগা দেহা জোক। আর ইয়ান হইয়ে।



7

ঈশ্বর আরও হুকুম দিয়ে ইয়ার পরে খের ফুল, জংগল, গাছ-গাছালি দেহা দিয়েক। আর ইয়ান হইয়ে। এনগরি সইক্যা গেইয়ে বেয়ানও গেইয়ে ইবা আছিলদে তিন লম্বর দিন।




8


ইবার পরদি ঈশ্বর সূর্য্য, চাঁদ আর এত বেশী তারা  
তৈয়ার গইজেদে কনিঙ্কাই গুণিত ন পাররের।  
আর সহইন্ধ্যাও গেইয়ে গোই বেয়ানও গেইয়ে  
গোই আর ইবা আছিলদে চাইর লম্বর দিন।



ঈশ্বরের পরর ফরদর মইদ্যে আছিল,  
পাখী, মাছ আর সমুদ্র জন্তু। পাঁচ  
লম্বর দিনত ঈশ্বর গুড়া টুনটুনি পাখী  
আর লাম্বা পাখনাওয়ালা উটপাখী  
আর গুড়াগুড়া কেচকী মাছ, ডর ডর  
কিরিচর মত মাছ তৈয়ার গইজে।  
ঈশ্বর দুনিয়ার ঘের ভরাইয়ে দে নানা  
মাছ তৈয়ার গরি। আর নানা বইত্তা  
পাখী বইত্তা আনন্দ গরে আকাশত  
সাগরত আর মাড়ির মইধ্যে। এনগরি  
সহইন্ধ্যা ও গেল গই বেয়ানও গেল  
গই। ইবা আছিল দে পাঁচ লম্বর দিন।




ইয়ার ফরে ঈশ্বর আবার কতা কইয়ে ঈশ্বর কইয়েদে মাড়িরতুন এন বেককিন  
ফোক আর সরীসৃপ তৈয়ার ওখ জিউনরতুন নিজর নিজর জাতরে বাড়াইবার  
শক্তি থাকিবা। এডে আছিলদে দুনিয়ার কাঁপাইবার-নান হাতিঅল আর ব্যস্ত  
মৌমাছিঅল। দুষ্টামি গরে দে বান্দর আর কুমির নানা বইত্তা ফোক, কাঠ-  
বিড়ালী আর হুঁদুরনান বিচ্ছিরি জন্তু দল বাধিয়েনে চলেদে লাম্বা গলাওয়ালা  
জিরাফ আর বিলাই। ঈশ্বর বেক ধরনের জানোয়ার ঐ দিনত তৈয়ার গইজে।  
এনগরি সহইন্ধ্যাও গেল গই, বেয়ানও গেল গই। ইবা হইয়েদে ছ লম্বর দিন।



ঈশ্বর ছ লম্বর দিনত আরও কিছু কাজ গইজিলা যিউনর মইধ্যে কিছু আছিলদে  
বেশী অসাধারণ বেক কিছু ঠিক গরি রাইক্লেদে মাইনষর লাই। এয়ার পর ঈশ্বর  
কইয়েদে, “আরা আরার অংগে মিল গরি মানুষ তৈয়ার গরি আর ইতার  
দুনিয়ার বেক কিছুর উওরে রাজত্ব গরুক”।  
ইতালাই ঈশ্বর ইবাঁর নিজর মতন গরিয়েনে  
মানুষ তৈয়ার গইজে। অয় ঈশ্বর নিজর  
মতন গরিয়েনে মানুষ বানাইয়ো।



ঈশ্বর আদমরে কইয়েদ  
“তুঁই তোঁয়ার ইচ্ছামত এই  
বাগানর মইধ্যে যে গাছরতুন  
মনে কয় এই গাছর ফল  
খাইত পারিবা কিন্তু ভাল  
খারাপ জ্ঞানের যে গাছহান  
আছে ইবার ফল তুঁই না  
খাইও। যদি ইবার ফল তুঁই  
খো তইলে খামাক্কাই  
তোঁয়ার মরণ হইবা”



আর সদাপ্রভু ঈশ্বর কইয়েদে “মাইনষর গায় গায় থাকন ভাল নয়। আই তারে  
সাহায্য গরিবারলাই একজন তৈয়ার গইজ্জমা বেক পশু, পাখীগুন ঈশ্বর  
আদমের কাছে লই আইয্যে। আদম ইতারার বেকগুনর নাম  
দিয়ে। আদম আসলে বেশী চালাকর অংগে এই কাম  
গইজে। কিন্তু বেয়াক পশু পাখীঅলর মইধ্যে  
আদমরলাই কোন যোগ্য অংগী নো আছিল।”



ঈশ্বর আদমর মইধ্যে গভীর ঘুম আইনো। ঘুম জাদ্দে এন সমত ইবারতুন এককান হাড্ডি লইয়েনে ঈশ্বর আদমর হাড্ডিরতুন একজন মাইয়ামানুষ তৈয়র গইজে। ঈশ্বরর তৈয়র গড়া এই মাইয়া মানুষ আছিল দে আদমর লাই একজন সঠিক অংগী।



15

ঈশ্বর ছ দিনর মইধ্যে বেক কিছু তৈয়র গইজিল। এরফর ঈশ্বর সাত দিনরে আশীর্বাদ গইজে আর এই দিনরে বিশ্রাম গরিবার দিন গরি তৈয়র গইজে। এদন বাগানর মইধ্যে আদম আর তার বউ হবা ঠিকভাবে আছিল। ঠিকমতন ঈশ্বরর কথার বাইধ্য আর সুখী আছিল। ঈশ্বরই ইতারার দুইজনর প্রভু, বন্ধু আছিল আর বেক কিছুর যোগান দাতাও আছিল।



16

ঈশ্বর যেতে বেক কিছু তৈয়র গইজে

ঈশ্বরর বাইক্য পবিত্র বাইবেলের তুন গল্পওয়া লওয়া অইয়ে

গল্প ইবার মইধ্যে আছে দে

আদিপুস্তক ১-২ অধ্যায়

“তোঁয়ার বাইক্যই আঁর জীবনর আলোর কেবার (দরজা).”

গীতসংহিতা ১১৯:১৩০ পদ

17



18

এই বাইবেলের কাহিনী ইবা যে, আরারে তৈয়র গইরগে এবং তিনি চান যেন আরা তাঁরে জানি আরার সেই চমৎকার ঈশ্বরর ব্যাপারে আরারে কয়।

ঈশ্বর জানে যে, আরা খারাপ খারাপ কাম গইরগি যিবারে ঈশ্বরর পাপ কয়। পাপর শান্তি মরণ কিন্তু ঈশ্বর আরারে বেশী ভালবাসে। তিনি তাঁর অশ্লো পোয়া যীশুরে আরার পাপর লাই ক্রুশত মরিবারলাই আর শান্তি পাইবার লাই পাঠাই দিইল। পরদি যীশু মরনরতুন জেয়াতা হইয়েনে স্বর্গর মধ্যে যে, ঘর আছে এতে ফিরি গেইয়ে। যদি অনে যীশুরে বিশ্বাস গরণ আর অনর পাপর লাই তাঁর কাছে মাফ চন তইলে তিনি মাফ গরি দিব। তিনি এখন আইয়েরে আরার মধ্যে থাকিব আর অনেও তাঁর মধ্যে আজীবন থাইবেন।

যদি অনে বিশ্বাস গরণ যে ইবা হাঁসা তইলে ঈশ্বরর কাছে এই প্রার্থনাওয়া গরণ:  
প্রিয়া যীশু, আই বিশ্বাস গরি দে, তুঁই ঈশ্বর আর আরার পাপর লাই মরিবার লাই মানুষ হইয়েনে জনগ্রহণ গইরজুইন। আর এখন তুঁই আবার জীবিত আছন। দয়া গরি আর জীবনত আইয়ো আর আর পাপ ক্ষমা গর যেন, আই এখনতুন নওয়া জীবন পাইত পারি আর এক দিন হারাজীবন তোয়ার অংগে থাইকতো যাইত পারি। আরে সাহায্য গর যেন, তোয়ার আদেশ মানিত পারি। আর তোয়ার পোয়া হইয়েনে তোয়ার লাই জীবন কাটাইত পারি।

বাইবেল পড়ন আর পোস্তকদিন ঈশ্বরর অংগে কথা কন (যোহন ৩:১৬)।

19